

Gipuzkoako Aldizkari Ofiziala**217. zenbakia****Data 1997-11-13****16155 orria****7 UDAL ADMINISTRAZIOA****ARAMAKO UDALA****Aramako hilerriko zerbitzuen ordenantza behin betiko onartzea****ARAMAKO UDALA** Iragarkia

Arauzko jendaurreko informazio epea iragan denez batere erreklamazio edo oharpenik aurkeztu gabe, behin betikotzat jo dira Udal Batzarreak 1997ko uztailaren 10ean hartutako hasierako erabakiak, **Hilerrian** hileta zerbitzuak erregulatzen dituen **ordenantza** erregulatzailerak finkatzeari dagozkionak, behin betikotzat jotzen da, berorren testu osoa eta behin-betikoak hitzez-hitz honela diolarik: **ARAMAKO HILERRIAN HILETA ZERBITZUAK ERREGULATZEN DITUEN ORDENANTZA I. TITULUA XEDAPEN OROKORRAK**

1. Artikulua.

Aramako udal **hilerria** zerbitzu publiko bati lotutako jabari publikoko ondasuna da eta, haren titularra Udala izanik, berari dagokio hura administratu, zuzendu eta zaintzea, bestelako agintaritza eta organismoen eskumeneko alderkietan izan ezik.

2. Artikulua.

Udalari dagokio:

- a) **Hilerria** nahiz bertako eraikuntzak, zerbitzuak eta instalazioak antolatu, artatu eta egokitzea.
- b) Partikularrei baimena ematea **hilerrian** edozein motatako obrak edo instalazioak burutzeko, nahiz horiek zuzendu eta ikuskatzeko.
- c) Emakidak eskustea eta edozein motatako hileta eskubideak ezagutzea.
- d) Legez ezartzen diren eskubideak eta tasak jasotzea.
- e) Emandako edo etorkizunean ematen diren osasun eta higiene neurriak betetzea. II.

TITULUA PERTSONALA

3. Artikulua.

Hilerriko pertsonala funtzionari, lan- pertsonal kontratatu edo aldi baterako pertsonala izan daiteke, legez ezarritako terminoetan. Haren eskubideak eta betebeharrak **Ordenantza** honetan eta kasuak kasu aplikatzekoak diren xedapen orokorretan xedatutakoaren bidez erregulatuko dira.

4. Artikulua.

Hilerriko pertsonalak Udaleko organo eskudunak finkatzen duen ordutegia beteko du.

5. Artikulua.

Dagozkion lanak eta funtzioak bete eta, bere ahalmenen neurrian, formulatzen diren eskaerak

eta kexuak ebatziko ditu.

6. Artikulua.

Hilerria artatu eta zaintzea Arduradunaren esku dago. Arduradunak ondoko funtzio hauek ditu:

- a) Hileta zerbitzuetarako adierazitako orduan **hilerriko** ateak ireki eta ixtea.
- b) Ehorzketa lizentziez arduratzea.
- c) Ehorzketa zedulak sinatzea eta, aurreko atalean aipatutako lizentziekin batera, hileta zerbitzuei itzultzea.
- d) Jasotzen duen dokumentazioa artxibatzea.
- e) **Hilerriaren** barrutia zaintzea eta antzematen dituen anomalien berri udal hileta zerbitzuetako organo erantzuleari ematea.
- f) Aipatutako organoarengandik jasotzen dituen aginduak betetzea, **hilerriko** zerbitzuen ordena eta antolamenduari dagokionez.
- g) Dagokion baimenik gabe, gorpuk eta objektuak **hilerrian** sartu edo ateratzea galeratzea.
- h) Partikularrei edozein obra egiteko udal lizentzia aurkez dezatela galdetzea.
- i) Beharrezko dokumentazioa aurkeztu ondoren, hobiratze, desobiratze, lekualdaketa eta bestelako zerbitzuei ekitea.
- j) **Hilerriko** departamentu guztiak beti behar bezalako garbitasun, artapen eta ordena egoeran egon daitezen zaintzea.

7. Artikulua.

Hilerriaren antolaketa eta funtzionamenduari dagokion guztian, Arduradun nagusia udal hileta zerbitzuetako organo erantzulearen zuzendaritzapean egongo da.

8. Artikulua.

Ez Udalak, ez horren ezein organok, ez eta pertsonalak ere, ez dute inolako erantzukizunik beren gain hartuko hirugarrenek hilobietan eta **hilerrian** ipintzen diren objektuetan egin ditzaketen hondaketei dagokienez, indarrean dagoen legerian aurikusitako kasuetatik kanpo. Halaber, nitxo edo ezurtegiren bat irekitzeko edo, partikularren eskariz, edozein desobiratze egiteko unean **hilerriko** pertsonala ez da hilarriak edo plakak haustearen erantzule izango. III. TITULUA HOBIRATZEEN ERREJIMENA I. KAPITULUA. HOBIAK

9. Artikulua.

Hilerrian burutzen diren ehorzketa guztiak, **hilerriaren** barrutian dauden eta Udalak eraiki dituen lurreko hobi prefabrikatuetan egingo dira.

10. Artikulua.

Hobien dimentsioak eta ezaugarriak horri dagokionez Gorpuen Osasun Jagoletzari buruzko Erregelamenduak zehazten duenera egokituko dira.

11. Artikulua.

Hobiak hurrenez hurren zerrendatuko dira eta hobiratzeko garaian ordena hori errespetatuko da.

12. Artikulua.

Hobien gaineko hileta eskubidea 10 urteko epean eskuetsiko da, hobiratzea burutzen den egunetik hasita, eta ez da luzamendu aukerarik egongo.

Epea bete ondoren, familikoek gorpua hurrengo hilabetearen barruan erreklamatzeko ez duten kasuan, **hilerriko** zerbitzuek gorpua bertatik atera eta ezurtegi amankomunera lekualdatuko dute.

13. Artikulua.

Hobiak estaltzen dituzten hilarriak, euren ezaugarriei dagokienez, **ordenantza** honetan eraskin gisa azaltzen den eredura egokituko dira. Zehaztapen hori ez betetzeak Aramako Udalari ahalmena emango dio, apaindura arrazoiak direla eta, exekuzio agindua emateko.

Aipatutako hilarriak Udalak ipiniko ditu eta eskuetsitako emakida eskubideari dagozkion gastuak eskatzailearen kontura izango dira, indarrean dauden **Ordenantzetan** xedatutakoarekin bat etorriz.

Behar bezala justifikatutako balizkoetan izan ezik, nitxo bakoitzean gorpu bakarra ehorztea baimenduko da.

Aurreko paragrafoetan adierazitakoaren kaltetan izan gabe, ezin izango da hilarriak ipini, **hilerriko** arduradunak bere adostasuna espreski ematen ez duen bitartean.

14. Artikulua.

Hobiaren gaineko emakida eskubidea eskuratu ahal izateko, alde aurretik kanona ordaindu behar izango da, horri buruz dagokion **Ordenantza** Fiskalak ezartzen duenaren arabera. II.
KAPITULUA. ZORROAK

15. Artikulua.

Hilerriaren barrutiko iparaldeko erpinean kokatutako gorpu-kaxak hartzen dituzten gelen helburua, hobi edo panteoietatik desorbitutako gorpuzkiak zaintzea eta gordetzea da.

16. Artikulua.

Gorpuzkien kaxen eskubidea jaso ahal izateko, alde aurretik Aramako Udalari eskaera egin beharko zaio eta horrek, ebatzi ondoren, emakidaren epea eta baldintzak erabakiko ditu. Epe laburrean erabiltzeko ez badira, ez da ezurtegi emakidarik egingo.

17. Artikulua.

Behar bezala justifikatutako balizkoetan izan ezik, kaxa bakoitzean gorpuzki bakarra gordetzea baimenduko da.

18. Artikulua.

Zorroak hurrenez hurren zerrendatuko dira eta horiek okupatzeko garaian ordena hori errespetatuko da.

19. Artikulua.

Zorroen gaineko emakida eskubidea 16. artikuluan xedatutakoarekin bat etorritz eskuetsiko da eta gehienezko emakida epea 25 urtekoa izango da.

20. Artikulua.

Kaxak kanpoaldean **ordenantzaren** eranskinean xehekatzen den eredura egokituko den hilarriarekin estaliko dira. Aipatutako hilarria Udalak ipiniko du eskatzailearen kargura.

Eskuratu eta ipintzeari buruzko errejimenari dagokionez, aurreko 13. artikuluan xedatutakoa izango da aplikatzekoa. III. KAPITULUA. PANTEOIAK

21. Artikulua.

Hilerriaren barrutiak duen azalera murriztua kontuan hartuz, ez da panteoien eraikitzea baimentzen. III TITULUA **HILERRIAREN BARRUKO ORDENA ETA GOBERNUA**

22. Artikulua.

Hilerria Udalak finkatzen duen ordutegian egongo da irekita, urte-saso bakoitzaren egoeren arabera.

23. Artikulua

Ateak ireki eta ixtea eta giltzak zaintzea arduradunari dagokio.

Ireki eta ixteko ordutegia sarrera nagusiko ageriko leku batean jarriko da erakusgai.

24. Artikulua.

Aparteko zerbitzu berezian eramaten diren gorpuak salbuetsiz, **hilerria** jendearentzat irekita egoteko adierazitako ordutegitik kanpo, ez da gorpurik onartuko. Ordutegi horren barruan tarte bat ezarri ahal izango da eta, harrezkeroztik, **hilerria** ixten den ordura arte, ezin izango da ehorzketarik egin, hala, aipatutako tartearen barruan sartzen diren gorpuak udal gordailura eramane beharko dira, hurrengo egunean hobira daitezen.

25. Artikulua.

1. Hileta zerbitzuetako ibilgailuek eta **hilerrian** bertan erabili beharreko eraikuntza materialak eramaten dituztenek besterik ezin izango dute **hilerrian** sartu.

2. Nolanahi ere, aipatutako garraiobideen jabeak **hilerriko** bide edo instalazioetan sortutako hondaketen erantzule izango dira eta egindako kalteak berehala konpontzea edo, hala badagokio, erantzukizun hori bere kaltea sortu duen ibilgailuaren gidariari berehala galdatu ahal izango zaio.

26. Artikulua.

Obrak exekutatzeko materialak finkatutako ordutegian besterik ez dira sartuko.

27. Artikulua.

Gauean zehar espreski debekatuta dago ehorzketak egitea eta **hilerriaren** barrutian edozein motatako lanak burutzea, behar bezala justifikatutako aparteko kasuetan izan ezik.

28. Artikulua.

Udal zerbitzu eskudenez **hilerriko** artapen eta garbiketa lan orokorrak zainduko dituzte. Hilobien nahiz objektu eta instalazioen garbiketa eta artapen lanak partikularren kargura izango dira.

Partikularrek hilobiak garbitu eta artatzeko beharkizuna betetzen ez badute eta narridura egoera antzemanaz gero, udal hileta zerbitzuek eskubide afektatuaren titularra errekerituko dute, eta hark lanak adierazitako epean burutzen ez baditu, Udalak subsidiarioki egin ahal izango ditu. Kasu horretan, kostua derrigortuengan jasanaraziko litzateke. IV. TITULUA HOBIRATZEAK, DESOBIRATZEAK ETA LEKUALDAKETAK

29. Artikulua.

Gorpuen hobiratzeak, desobiratzeak eta lekualdaketak Gorpuen Osasun Poliziari buruzko Erregelamenduaren arauen arabera eta hurrengo artikuluetan xedatutakoarekin bat etorriz egingo dira.

30. Artikulua.

Hobiratze, desobiratze eta lekualdaketa guztiak, beharrezkoa den kasuan, dagozkion osasun agintaritzek luzatuko baimenarekin egin beharko dira.

31. Artikulua.

Gorpuak dituen hilobi batean hobiratu ahal izateko hura hustutzea beharrezkoa izango balitz, eragiketa hori burutzeko litzateke, hala eskatzen denean, hilobiaren titulara edo hark ordezkari jartzen duena bertan dela.

32. Artikulua.

Titularrarena berarena ez den gorpua hobiratu ahal izateko, titulua aurkezten ez den kasuetan, titularraren adostasuna eskatuko da eta, hura ez balego, titulartasunean berori oinordetzeko eskubidea duen edonorena eskatuko da.

33. Artikulua.

1. Beste **hilerri** batean hobiratzeko asmoz gorpu bat edo gorpuzkiak desobiratu ahal izateko, dagokion hilobiaren titularraren eskaera beharko da, dagokion osasun agintaritzaren baimenarekin batera.

2. Desobiratzea **hilerri** bereko beste hilobi batean egin behar bada, azken horren titularraren adostasuna ere beharrezkoa izango da.

34. Artikulua.

Udal **hilerrian** erlijioaren edo beste edozein motatako arrazoiren ondoriozko diskriminaziorik

gabe egingo dira.

35. Artikulua.

Gorpua ezurtegi amankomunean gordailatu ondoren ezin izango da inola ere hura erreklamatu. udalak luzatutako baimenaren bitartez, ezurtegiko gorpuak xede pedagogikoaz eraman ahal izango dira. Udalak ezin izango du aipatutako baimenik eman, interesatuak ikasketak burutzen dituen ikastetxearen eta, beharrezkoa izango balitz, Eusko Jaurlaritzako Osasun Zuzendaritzako dagokion Sailaren idatzizko eskabiderik aldeztu aurretik ez badu. V. TITULUA HILETA ESKUBIDEAK I. KAPITULUA. HILETA ESKUBIDEAK ORO HAR

36. Artikulua.

Hileta eskubideak titulu honek aipatzen dituen emakidak barne hartzen ditu. Hileta eskubideak **ordenantza** honetan jasotako preskripzioen eta toki kontratazioari buruzko arau orokorren arabera eskuetsi eta ezagutuko ditu Udalak.

37. Artikulua.

Hileta eskubide guztiak dagokion errejistro liburuan inskribatuko dira eta emakidak bidezkoa den titulua luzatu bidez egiaztatuko dira.

38. Artikulua.

Hileta eskubideak erabilera besterik ez dakar berekin eta jabari titulartasuna Udalari dagokio soilik, **ordenantza** honetako 1. artikuluan ezarritakoarekin bat etorritik.

39. Artikulua.

Hilerrian dauden hobi, zorro eta panteoiak merkataritaz kanpoko ondasun gisa hartuko dira. Ondorioz, ezin izango dira edozein motatako salerosketa, trukaketa edo transakzioen xede izan.

40. Artikulua.

Hilobietan instalatzen diren obra artistikoak Udalari itzuliko zaizkio emakida amaitzean. Aipatutako obrak ezin izango dira udal **hilerrietik** atera Udalaren baimen espresurik gabe. II. KAPITULUA. HILETA ESKUBIDEAK BERARIAZE MAKIDAK ETA ERRENTAMENDUAK

41. Artikulua.

Emakidak eta errentamenduak honela eskuetsi ahal izango dira:

- a) Pertsona fisiko bakarraren izenean.
- b) Administrazio Publikoak ezagututako komunitate, erlijio elkarte edota asistentzi edo ospitale establezimendu baten izenean, horien kide, onuradun edo hartutakoek soilik erabiltzeko.
- c) Korporazio, Fundazio edo legez eraturako entitateen izenean, horien kide edo enplegatuek soilik erabiltzeko.

42. Artikulua.

Aurrikuspen aseguruaren konpainiak eta antzekoak ezin izango dira inola ere emakiden edo

bestelako hileta eskubideen titular izan. Beraz, haiek ituntzen dituzten poliza edo kontratuen klausulek ez dute Udalaren aurrean ondoriorik izango, aseguratuei dagokion hileta eskubidea ordaintzeko beharrezko kapitala ematea ez den bestelako eskubiderik betetzeko asmoa izanez gero.

43. Artikulua.

Udal Administrazioak luzatuko duen dagokion tituluaren bidez egiaztatuko dira emakidak.

Emakida tituluetan ondoko hauek jasozaziko dira:

- a) Hilobia edo zorroa identifikatuko duten datuak.
- b) Udalaren adjudikazio erabakiaren data.
- c) Titularraren izen-deiturak eta NANA.
- d) Hileta eskubideen kontzeptuan ordaindutako kopuruak.

44. Artikulua.

1. Hileta titulu bat narriatu, substraitu edo galtzearen kasuan, bikoitza luzatuko da, interesatuak alde zurretik eskaera egin ondoren.

2. Hileta tituluetan antzematen diren izen-akatsak edo beste edozein motatakoak horien titularraren eskariz zuzenduko dira, alde zurretik haiek justifikatu eta egiaztatu ondoren.

45. Artikulua.

Hobien emakidak hamar urteko iraupena edukiko dute eta luzaezinak izango dira. Aipatutako epea igaro ondoren, titularrak edo herentziaren nahiz beste edozein tituluren bidez subrogatzen diren pertsonak, aukera gisa, **hilerriaren** barrutian, gorpu-zorroaren emakida eskatu ala gorpua ezurtegi amankomunera lekualdatu ahal izango dute.

46. Artikulua.

Emakida eta errentamenduetarako adierazitako epea hala ezarrita badago ere, beste edozein arrazoi dela eta, aipatutako epea amaitu zurretik **hilerria** itxi beharko balitz, dagozkion eskubideen titularrak kalteordaindu ahal izango dira, epea amaitzeko geratzen den denboraren arabera, nahiz eta kalteordaina kalkulatzeko ordaindutako tasaren zenbatekoa besterik ez den kontuan hartuko, errentariak edo emakidadunak exekutaturako obra edo instalazioei dagokiena aintzat hartu gabe. III. KAPITULUA. ONEGINTZA HOBIRATZEA ETA HOBI AMANKOMUNAK

47. Artikulua.

Ehorzketatik eratorritako gastuei aurre egiteko inolako baliabide ekonomikorik ez duten pertsonen dagozkien gorpuek hobietan hobiratuko dira. Horiek ez dira emakida edo errentamenduaren xede izango eta erabiltzeko ez du eskubiderik berekin ekarriko. 10 urteko epea igaro ondoren, gorpuek ezurtegi amankomunera lekualdatuko dira. IV. KAPITULUA. HILETA ESKUBIDEEN GALERA EDO IRAUNGIPENA

48. Artikulua.

Ondoren datozen kasuetan hileta eskubidearen galera edo iraungipena dekretutako da eta

dagokion emakida Udalari itzuliko zaio.

a) Hilobiak hartzen dituen eraikuntzaren narriadura egoera dela eta, aldez aurreko txosten teknikoaren bidez deklaratu, eta titularrari hura konpondu eta egokitzeko adierazitako epea ez betetzeagatik, aldez aurretik espedientea tramitatu eta interesatuari entzun ondoren.

b) Eskubidea eman zeneko epeak igarotzeagatik.

c) Dagozkion epean barruan eskubideak edo tasak ez ordaintzeagatik.

d) Titularrak espreski uko egiteagatik. XEDAPEN GEHIGARRIA

Ordenantza honetan espreski aurrikusi gabeko alderdietan Gorpuen Osasun Poliziari buruzko Erregelamenduak aurrikusitakoari jarraitu beharko zaio. AMAIERAKO XEDAPENA

Toki Errejimeneko Oinarriak erregulatzen dituen apirilaren 2ko 7/1985 Legearen 70.2 artikuluan xedatutakoa aplikatuz, **ordenantza** hau, testua osorik Gipuzkoako ALDIZKARI OFIZIALEAN argitaratzen denetik hasita 15 lanegun igaro ondoren jarriko da indarrean.

Arama, 1997ko urriak 28. Alkateak. (85)(10766) ERANSKINA

1. Hilobiak estaltzen dituen hilarrien ezaugarriak:

Luzera: 50 zentimetroak.

Zabalera: 50 zentimetroak.

Lodiera: 2 zentimetroak.

Materiala: Marmola.

Kolorea: Beltza.

2. Gorpuzkien kaxak estaltzen dituen hilarrien ezaugarriak:

Luzera: 67 zentimetroak.

Zabalera: 48 zentimetroak.

Lodiera: 2 zentimetroak.

Materiala: Marmola.

Kolorea: Beltza.